

13 января отдание праздника Рождества Христова

13 января отдание праздника Рождества Христова

## Вечерня

Стихиры на «Господи, воззвах»

**Канонарх:** Глас 2, Гóсподи, воззва́х к Тебе́, услы́ши мя.

**Лик:** Гóсподи, воззва́х к Тебе́, услы́ши мя./ Услы́ши мя, Гóсподи./  
Гóсподи, воззва́х к Тебе́, услы́ши мя:/ вонми́ гласу моле́ния  
моего́,/ внегда́ воззвати́ ми к Тебе́.// Услы́ши мя, Гóсподи.

Да исправится моли́тва моя́,/ я́ко кади́ло пред Тобóю,/ воздея́ние  
рукú моёю/ же́ртва вече́рняя. // Услы́ши мя, Гóсподи.

отдания праздника Рождества Христова на 6

**На 6, стих:** Аще беззако́ния на́зриши, Гóсподи, Гóсподи, кто постои́т? /  
Я́ко у Тебе́ очище́ние есть.

Прииди́те, возра́дуемся Гóсподеви, настоя́щую та́йну сказа́юще:/  
средосте́ние граде́жа разруши́ся,/ пла́менное ору́жие плещи́  
даёт,/ и Херувим отступа́ет от дре́ва жи́зни,/ и аз райския пи́щи  
причаща́юся,/ от него́же произгна́н бых преслуша́ния ра́ди;/  
неизме́нный бо о́браз Оте́чь,/ о́браз присносу́щия Егó,/ зрак раба́  
приёмлет,/ от Неискусобра́чныя Ма́тере прошéд,/ не преложéние  
претерпéв,/ е́же бо бе пребы́сть, Бог Сый и́стинен,/ и е́же не бе  
прият, Человéк быв Человеколю́бия ра́ди./ Тому́ возопи́м://  
рождéйся от Дéвы Бóже, помилуй нас.

**Стих:** Имене ра́ди Твоего́ потерпéх Тя, Гóсподи, потерпé душа́ моя́ в сло́во  
Твоё, /

упова́ душа́ моя́ на Гóспода.

**13 января отдание праздника Рождества Христова**

Приидите, возрадуемся Господеви, настоящую тайну сказующе:/  
средостение градежа разрушися,/ пламенное оружие плещи да-  
ет,/ и Херувим отступает от древа жизни,/ и аз райския пищи  
причащаюся,/ от негоже произгнан бых преслушания ради;/  
неизменный бо образ Отечь,/ образ присносущия Егo,/ зрак раба  
приемлет,/ от Неискусобрачныя Матере прошед,/ не преложение  
претерпев,/ еже бо бе пребысть, Бог Сый истинен,/ и еже не бе  
прият, Человек быв Человеколюбия ради./ Тому возопийм:// ро-  
ждейся от Девы Бoже, помилуй нас.

**На 4, стих:** От стражи утренния до ноши, от стражи утренния, /  
да уповает Израиль на Господа.

Господу Иисусу рождшуся от Святыя Девы,/ просветишася  
всяческая:/ пастырем бо свиряющим и волхвом  
поклоняющимся,/ Ангелом воспевающим, Ирод мятешся,/ яко  
Бог во плоти явися, // Спас душ наших.

**Стих:** Яко у Господа милость, и многое у Него избавление, /  
и Той избавит Израиля от всех беззаконий его.

Господу Иисусу рождшуся от Святыя Девы,/ просветишася  
всяческая:/ пастырем бо свиряющим и волхвом  
поклоняющимся,/ Ангелом воспевающим, Ирод мятешся,/ яко  
Бог во плоти явися, // Спас душ наших.

**На 2, стих:** Хвалите Господа вси языцы, /  
похвалите Егo вси людие.

Царство Твое, Христe Бoже,/ Царство всех веков,/ и  
Владычество Твое во всяком роде и роде,/ воплотивыйся от Духа  
Святаго/ и от Приснодевы Марии вочеловечивыйся,/ свет нам

### 13 января отдание праздника Рождества Христова

возсия, Христѣ Бѣже,/ Твое пришествие;/ Свет от Свѣта, Отчее сияние,/ всю тварь просветил еси,/ всякое дыханіе хвалит Тя./ Образ славы Отчия,/ Сый, и прежде Сый, // и возсиявый от Дѣвы, Бѣже, помилуй нас.

*Стих:* Яко утвердися милость Его на нас, /  
и истина Господня пребывает во век.

Что Тебѣ принесем, Христѣ,/ яко явился еси на земли/ яко Человек нас ради?/ Какъждо бо от Тебѣ бывших тварей благодарение Тебѣ приносит:/ Ангели – пѣние; небеса – звездѹ;/ волсви – дары; пастырие – чѹдо;/ земля – вертеп; пустыня – ясли;/ мы же – Матерь Дѣву.// Иже прежде век, Бѣже, помилуй нас.

*Слава и ныне глас 2:* Слава Отцѹ, и Сѣну, и Святому Дѹху.  
и ныне, и присно, и во веки веков. Аминь.

Августу единоначальствующу на земли,/ многоначалие человекѹ престѹ;/ и Тебѣ вочеловѣчшуся от Чѣстия,/ многобожие идолов упразднѣся,/ под едином царством мирским гради бѣша,/ и во Едино Владѣчество Божества языцы вероваша./ Написашася людіе повелѣнием кесаревым,/ написяхомся, вернии, Именем Божества,/ Тебѣ, вочеловѣчшагося Бѣга нашего.// Велия Твоя милость, Господи, слава Тебѣ.

### Стихиры на стиховне

отдания праздника Рождества Христова на 3

*Канонарх:* Глас 2, Велие и преславное чѹдо совершѣся днесь

Велие и преславное чѹдо совершѣся днесь:/ Дѣва раждает, и утроба не истлевает,/ Слово воплощается и Отца не отлучается,/

### 13 января отдание праздника Рождества Христова

А́нгели с па́стырьми сла́вят,/ и мы с ни́ми вопи́ем:// сла́ва в  
Вы́шних Бо́гу, и на землі мир.

*Стих:* Из чре́ва прэ́жде денни́цы роди́х Тя, /  
кля́тся Госпо́дь и не раска́ется.

Днесь ражда́ет Де́ва Творца́ всех,/ Еде́м прино́сит верте́п,/ и  
звезда́ показу́ет Христа́ со́лнца су́щим во тьме;/ с да́ры волсви́  
поклони́шася,/ ве́рою просвещáеми,/ и па́стырие ви́деша чу́до,  
А́нгелом воспева́ющим и глаго́лющим:// сла́ва в Вы́шних Бо́гу.

*Стих:* Рече́ Госпо́дь Го́сподеви моемú: /  
седи́ одесну́ю Мене́.

Го́споду Иису́су ро́ждшуся в Вифле́еме Иуде́йстем,/ от восток  
прише́дше, волсви́/ поклони́шася Бо́гу вочелове́чшуся/ и, со-  
кро́вища сво́я усер́дно отве́рзше,/ да́ры честны́я приноша́ху:/ ис-  
куше́но зláто, я́ко Царю́ веко́в;/ и ливáн, я́ко Бо́гу всех;/ я́ко  
тридне́вному же мертвецú, сми́рну Безсме́ртному./ Всеи язы́цы,  
прииди́те, поклони́мся ро́ждшемуся// спасти́ ду́ши на́ша.

*Сла́ва глас 4:*

Слава Отцу́, и Сы́ну, и Свято́му Ду́ху.

Весели́ся, Иерусали́ме,/ торжествуй́те, вси, лю́бящии Си́она:/  
днесь вре́менный разреши́ся соу́з осужде́ния Ада́мова./ Рай нам  
отве́рзся./ Змий упраздни́ся,/ ю́же бо прельсти́ пёрвее,/ ны́не  
узрэ́ Содетелеву б́ывшу Ма́терь./ О, глубина́ богáтства, и  
прему́дрости, и ра́зума Бо́жия!/ Я́же исходáтаивши смерть всей  
плóти, грехóвный сосúд/ спасе́ния нача́ло бысть ми́ру всему́  
Богоро́дицы ра́ди./ Младене́ц бо ражда́ется из Не́я  
Всесоверше́нный Бог,/ и Рождество́м де́вство печáтствует,  
плени́цы грехóвныя разрешáяй пелена́ми,/ и младенства ра́ди

### 13 января отдание праздника Рождества Христова

Ёвины врачует яже в печалех болѣзни;/ да ликовствуѣт ѹбо вся тварь и да играет, // обновити бо ю прииде Христос и спасти души наша.

*И ныне глас 4:*

*И ныне, и присно, и во веки веков. Аминь.*

В вертеп вселился еси, Христе Боже, / ясли Тя восприяша, / пастырие же и волсви поклоняшася. / Тогда ѹбо пророческая исполнися проповедь, / и Ангельския силы дивляхуся, вопиюще и глаголюще: // слава схождению Твоему, Едине Человеколюбче.

### Тропари

Тропарь Рождества Христова, глас 4.

Рождество Твое, Христе Боже наш, / возсия миру свет разума: / в нем бо звездам служащий / звездою учахуся / Тебе кланятися, Солнцу Правды, / и Тебе ведети с высоты востока. // Господи, слава Тебе.